



basic education

Department:
Basic Education
REPUBLIC OF SOUTH AFRICA

NASIONALE SENIOR SERTIFIKAAT

GRAAD 12

ONTWERP V1

(TEORIE)

NOVEMBER 2019

PUNTE: 100

TYD: 3 uur

**Hierdie vraestel bestaan uit 13 bladsye.
Hierdie vraestel moet in volkleur gedruk word.**

INSTRUKSIES EN INLIGTING

1. Hierdie vraestel bestaan uit SES vrae.
2. Daar is drie keusevrae in hierdie vraestel. Lees die opsies aandagtig deur.
3. Hierdie vraestel bestaan uit DRIE afdelings:

AFDELING A: Ontwerpgeletterdheid (30 punte)
VRAE 1 tot 3

AFDELING B: Ontwerpgeskiedenis (30 punte)
VRAAG 4

AFDELING C: Ontwerp in 'n sosiokulturele/omgewings- en volhoubare konteks (40 punte)
VRAAG 5 en 6
4. Lees die vereistes van elke vraag aandagtig deur.
5. Beantwoord in volsinne en vermy die opnoem van feite. MOENIE in tabelvorm antwoord NIE.
6. Gebruik die puntetoekenning om te bepaal hoeveel tyd jy aan elke vraag moet bestee.
7. MOENIE dieselfde feite en voorbeelde in verskillende vrae herhaal NIE.
8. Skryf netjies en leesbaar.

AFDELING A: ONTWERPGELETTERDHEID**VRAAG 1: 'ONGESIENE' VOORBEELDE****Beantwoord ÓF VRAAG 1.1 ÓF VRAAG 1.2.**

1.1



FIGUUR A: Deel van ***The Zambezi Collection*** ('Die Zambesi-versameling')-***tekstielontwerpe*** deur Halsted Design van Ardmore (Suid-Afrika), 2015.

Bespreek die gebruik van die volgende elemente en beginsels in FIGUUR A hierbo:

- Kleur
- Tekstuur
- Balans
- Kontras
- Eenheid

(5 x 2) [10]

OF

1.2



FIGUUR B: **Jeppestown Waiting Bench ('Jeppestown Wagbank')** deur David Krynauw (Suid-Afrika), 2016.

Analiseer en bespreek FIGUUR B hierbo met verwysing na die volgende:

- Funksie
- Lyn
- Negatiewe ruimte
- Inspirasie/Invloede
- Herhaling

(5 x 2) [10]

VRAAG 2: KOMMUNIKASIE DEUR ONTWERP

2.1



FIGUUR C: *What Is To Become of the Surplus Labour? ('Wat Gaan Van die Oortollige Arbeiders Word?')*, plakkaat deur Ian Whadcock (VK), 2014.

Bespreek kortliks hoe die plakkaat in FIGUUR C hierbo sy boodskap oordra deur na die gebruik van beelde, skaal en stereotipes te verwys.

(6)

2.2



FIGUUR D: *Corporate Corruption ('Korporatiewe Korrupsie')*, plakkaat deur Luba Lukova (VSA), 2008.

Identifiseer TWEE simbole in FIGUUR D hierbo EN bespreek die moontlike betekenisse daarvan met betrekking tot die plakkaat.

(4)
[10]

VRAAG 3**Beantwoord ÓF VRAAG 3.1 ÓF VRAAG 3.2.**

3.1 Verwys na FIGUUR E en FIGUUR F hieronder en beantwoord die vraag wat volg.



FIGUUR E: Ndebele-pop,
ontwerper onbekend (Suid-Afrika),
1998.



**FIGUUR F: Prinses Barbie Blonde
Pop** deur Ruth Handler (VSA),
1959.

Skryf 'n opstel (ten minste EEN bladsy) waarin jy die pop in FIGUUR E met die pop in FIGUUR F hierbo vergelyk.

Gebruik die volgende in jou vergelyking:

- Vorm
- Ontwerp-identiteit
- Materiaal en tegnieke
- Funksie
- Kleur

(5 x 2)

[10]

OF

3.2



FIGUUR G: **Public Baths of Caracalla**
(**'Openbare Baddens van Caracalla'**) (Rome),
212 en 219 AE.



Interieur van **Openbare Baddens**
van Caracalla.



FIGUUR H: **The House of Algae** (**'Die Algehuis'**) deur Arup (Duitsland), 2009.



Glaspanele gevul met vloeibare
biomassa-materiaal (alge) wat sy
eie elektrisiteit kan voorsien.

Gebruik jou kennis van Klassieke en kontemporêre argitektuur en skryf 'n opstel (ten minste EEN bladsy) waarin jy die Klassieke gebou in FIGUUR G hierbo met die kontemporêre gebou in FIGUUR H hierbo vergelyk. Anders kan jy enige Klassieke gebou met enige kontemporêre gebou wat jy bestudeer het, vergelyk.

Verwys na die volgende in jou opstel:

- Struktuur
- Innoverende/Vernuwende materiaal
- Dekoratiwe elemente
- Uitleg
- Funksie

(5 x 2) [10]

TOTAAL AFDELING A: 30

AFDELING B: ONTWERPGESKIEDENIS**VRAAG 4**

4.1

Wat is ontwerp? Dit is waar jy met 'n voet in twee wêrelde staan – die wêreld van tegnologie en die wêreld van mense en menslike voorneme.

– Mitchell Kapor

Kies enige TWEE bewegings uit die lys hieronder wat die aanhaling hierbo weerspieël.

- Goties
- Renaissance
- Barok
- Neoklassisisme
- Kuns en Kunsvlyt
- Art Deco
- De Stijl
- Bauhaus
- Modernisme
- Skandinawiese Ontwerp
- Pop
- Postmodernisme

Skryf 'n opstel (ten minste TWEE bladsye) waarin jy bespreek hoe ELKE beweging wat jy gekies het, die aanhaling hierbo weerspieël.

Ondersteun jou antwoord deur te verwys na:

- Die doelwitte en invloede van ELKE beweging
- Die stilistiese eienskappe van jou gekose bewegings
- EEN voorbeeld en ontwerper van BEIDE bewegings om jou stellings te motiveer

(20)

4.2



FIGUUR I: **Art Nouveau Gekerfde Stoel**, ontwerper onbekend (Italië), vroeë 20^{ste} eeu.



FIGUUR J: Dekonstruktivistiese **Another Chair ('Nog 'n Stoel')** deel van die *Boarded up Collection* deur Karen Ryan (Engeland), 2008.

Skryf 'n opstel (ten minste EEN bladsy) waarin jy die stoel in FIGUUR I met die stoel in FIGUUR J hierbo vergelyk.

Verwys na die volgende in jou vergelyking:

- Invloede
- Ergonomie
- Balans
- Lyn
- Fatsoen

(5 x 2) (10)

TOTAAL AFDELING B: 30

AFDELING C: ONTWERP IN 'N SOSIOKULTURELE/OMGEWINGS- EN VOLHOUBARE KONTEKS**VRAAG 5****Beantwoord ÓF VRAAG 5.1 ÓF VRAAG 5.2.****5.1**

FIGUUR K: **SPEAK OUT** Campaign ('SÊ JOU SÊ-veldtog'),
plakkate deur Shahed Ali (Londen), 2011.

- 5.1.1 Bespreek hoe die boodskap in die plakkate hierbo (FIGUUR K) deur die gebruik van uitleg, visuele beelde en teks oorgedra word. (6)
- 5.1.2 Skryf TWEE aparte opstelle (ten minste EEN bladsy elk) waarin jy die sosiobewuste ontwerp van EEN Suid-Afrikaanse kontemporêre ontwerper/ontwerpgroep **EN** EEN internasionale kontemporêre ontwerper/ontwerpgroep bespreek.

Verwys na die volgende in jou opstelle:

- Naam van 'n ontwerper/ontwerpgroep/ontwerpmaatskappy en EEN ontwerpproduk
- 'n Kort bespreking van die algemene eienskappe van die ontwerp
- Verduidelik hoe die ontwerpers se werk sosiobewustheid weerspieël.

Jy mag NIE verwys na enige ontwerper(s)/ontwerpgroep(e) wat jy voorheen bespreek het of ontwerpvoorbeelde wat in hierdie vraestel voorkom NIE.

(14)
[20]

OF

5.2



FIGURE L: **Oversized Shopping Products ('Oorgroot Inkopie-items')**
deur Monkeybiz (Suid-Afrika), 2015.

- 5.2.1 Bespreek hoe die ontwerpprodukte in FIGUUR L hierbo ons Suid-Afrikaanse ontwerp-identiteit vier. (2)
- 5.2.2 Bespreek die werk van EEN tradisionele Suid-Afrikaanse kunsvlytgemeenskap wat jy hierdie jaar bestudeer het deur na die stelling hieronder te verwys.

Die hoofdoel vir baie tradisionele Suid-Afrikaanse kunsvlytgemeenskappe is om die voortsetting van hulle kulturele erfenis-praktyke in stand te hou omdat dit nasionale trots ontwikkel.

– Onbekende skrywer

Gebruik die volgende in jou bespreking:

- Materiaal, metodes en prosesse wat in die maak van die kunsvlytproduk gebruik is
- Die moontlike funksies van die kunsvlytprodukte
- Moontlike simboliese betekenis van patrone en/of van die kunsvlytprodukte

(8)

- 5.2.3 Skryf 'n opstel (ten minste EEN bladsy) oor enige EEN kontemporêre Suid-Afrikaanse ontwerper wie se ontwerpe beïnvloed word deur Suid-Afrikaanse inheemse kennisstelsels wat ons kulturele erfenis op 'n getransformeerde wyse vertoon.

Gebruik die volgende riglyne in jou bespreking:

- Naam van die ontwerper/ontwerpgroep en EEN ontwerpproduk
- 'n Gedetailleerde beskrywing en analise van die produk hierbo
- Verduidelik hoe die ontwerp die invloed van inheemse kennisstelsels weerspieël

Jy mag NIE verwys na enige ontwerper(s)/ontwerpgroep(e) wat jy voorheen bespreek het of ontwerpvoorbeelde wat in hierdie vraestel voorkom NIE.

(10)
[20]

VRAAG 6

6.1



FIGUUR M: **Bioafbreekbare Waterbottels** gemaak van seegras, getoon in verskillende stadiums van disintegrasië deur Ari Jónsson (Ysland), 2016.

- 6.1.1 Verduidelik die term *bioafbreekbaar* deur na die bottelontwerp in FIGUUR M hierbo te verwys. (2)
- 6.1.2 Noem TWEE ander produkte wat nie-bioafbreekbaar is en verduidelik waarom dit 'n gevaar vir ons omgewing inhou. (4)

6.2

Om ons ekosisteme te kan herstel, moet ons tegnologie op 'n sensitiewe en intelligente manier gebruik ...

Skryf TWEE aparte opstelle (ten minste EEN bladsy elk) waarin jy die werk van EEN Suid-Afrikaanse kontemporêre ontwerper/ontwerpgroep EN EEN internasionale kontemporêre ontwerper/ontwerpgroep bespreek wie se werk ons huidige omgewingskrisis ondersoek. Verwys na die stelling hierbo.

Gebruik die volgende as riglyne:

- Naam van die ontwerper/ontwerpgroep/maatskappy en EEN ontwerpproduk
- Omgewingsuitdagings wat ondersoek is
- Die toepaslike gebruik van materiaal, prosesse en tegnologieë wat gedurende die navorsing en produksiefases gebruik is

Jy mag NIE verwys na enige ontwerper(s)/ontwerpgroep(e) wat jy voorheen bespreek het of ontwerpvoorbeelde wat in hierdie vraestel voorkom NIE.

(14)
[20]

TOTAAL AFDELING C: 40
GROOTTOTAAL: 100